

內癰至治方

神效爪婁散

治內癰腦髀背腋諸毒瘰癧便毒乳癰乳疽乳  
勞乳岩等症悉效

大爪婁

一箇子多者佳  
子少者用二箇

當歸五錢

甘草

四錢

沒藥

三錢

乳香

一錢

用黃酒二碗煎八分服或去當歸加皂角刺一  
兩六錢半生半熟炒各立效散與原方兼服之  
尤佳服將愈加參耆芎朮以培其元

薏苡仁湯

8

內癰

函三笑藏板

治內癰腸癰腹痛脹滿不食小便澀滯婦人產

後多有此症但疑似之間便可服之

薏苡仁錢三 瓜婁仁錢三 丹皮錢二 桃仁泥錢二

一加白芍一錢 水二鍾煎一鍾溫服

會膿散 治肚癰內癰未潰自消已潰者膿從便下

黃耆 歸尾 川山甲炒 大黃各一兩

白芷錢六 蜂房一箇重六七錢者酒浸瓦焙六次

連翹錢二 蜈蚣大者七條酒浸瓦焙二次

右為末每服三五錢無灰酒調服再多飲以助

藥力如背疽加羌活脇癰加柴胡乳症加升麻



各隨經絡加引經藥五七分酒煎服藥尤佳

加味貴金湯

治陽疸毒腹痛如錐手不可近六脉洪數者

大黃 白芷 姜蚕 川山甲

貝母 用水二鍾煎一鍾食遠服

○ 懷忠丹

治內癰久潰膿血腥穢臍腹冷痛兼治婦人白帶腥穢不堪者立驗

單葉紅蜀葵花根 白芷 桔白礬

白芍

內癰 函三堂藏板

為未鎔黃蠟四兩為丸梧子大每服三十九空  
心清水湯送下推下膿血令盡次服大補之藥  
以培其元 忌發物

### 補漏丹

治心胸有孔久不愈者及胃癰并疽肝癰心腹等症

鹿茸去毛酥炙 大附子炮去皮臍 食鹽等分

為末煮棗肉為丸梧子大每服三十九空心黃酒送下

### ○ 肺癰

肺癰之發必先中府穴隱痛不已穴在乳上三肋間 初則寒

熱咳嗽項強不能轉側脉滑而數 久則腋腫咳

腥臭膿痰甚則胸膈脹滿呼吸不利食少脉洪自汗視其身涼脉細膿血交粘痰色鮮明飲食知味者順手掌皮粗脉洪氣急顴紅鼻焮嘔噦不食汚膿白血如米粒者逆

脉洪滑身熱者難瘥脉細身涼者易治若潰後短澁者生洪大者死孟冬兩尺浮洪孟春雨寸洪數惟夏月可慮

肺癰由外感風寒未經發瀉所致者多故肺癰必先解表宜參蘇飲外受風寒咳嗽喘急者小青龍湯胸脹氣喘身腫面浮者葶藶大棗湯胸膈痛



豚乳者瘀血也。四順散加丹皮紅花瘀血吐出其  
痛自止。發熱煩渴引飲脈洪數而無力者加減八  
味丸加麥冬大劑服之。再以人參五錢麥冬二錢  
五分五味子二錢水煎代茶飲之。因房勞丹石  
消爍腎水者腎氣丸金液戊土丹。勞傷夜熱脈  
微數者日飲童便三五次。朝服人乳。間服金鯉湯。  
咳嗽喘急氣短小便短澀者參耆補肺湯。體倦  
食少者參朮補脾湯。

蓋諸氣本乎肺。肺氣治則病已。再面白當補肺脾。面  
赤當補肺腎。若端攻其毒脾腎愈虛。而有不誤者。

則鮮矣 灸合谷七壯再灸腎俞穴三七壯

肺癰主治方

小青龍湯 此解表疎風行氣取膿之劑

半夏一錢二分 乾姜炮 細辛 麻黃

肉桂 芍藥 甘草灸各一分 生姜錢五分

五味子蠶井炒一錢 水二鍾煎八分食遠熱服

葶藶散 灸燂飲酒太過喘急脹滿不卧咳吐濁痰

甜葶藶 瓜蒌仁 薏苡仁 桑白皮

桔梗 升麻 葛根各一錢 甘草灸五分

用生姜三片水二鍾煎八分食遠服

四順散

治肺癰吐膿咳嗽氣急心煩熱壅者

貝母

紫苑

桔梗

各一錢五分

杏仁

七分

甘草

七分

水二鍾煎八分食遠服

金鯉湯

治肺癰已成未成胸中隱痛咯吐膿血者

金色活鯉魚一尾約四兩重者連鱗剖去腸肚

勿經水摻貝母末一錢於肚內線扎用白色童

便半碗浸之重湯頓以魚眼突出為度取起去

鱗骨將肉仍入便內頓熟食之飲之一日一枚

其功甚捷

人參補肺湯



咳嗽喘急短氣吐膿發熱作渴小便短澀或腎  
水不足虛火炎上痰涎壅盛者

人參

黃耆

白朮

茯苓

陳皮

當歸

熟地

山萸

山藥

丹皮

麥冬

五味子

甘草

生薑

生薑三片膠棗二枚水二鍾煎八分食遠服

參耆補脾湯

治咳吐膿涎中滿不食由脾氣虧損者

人參

白朮

黃耆

茯苓

陳皮

當歸 各一錢

麥冬 七分

桔梗 六分

甘草

炙五分

升麻

三分

五味子

四分

用生姜三片膠棗二枚水煎食遠服

九製草靈丹

治肺癰肺痿又能止嗽化痰及腸風痔漏

槐肉子

十觔側柏葉

三觔冬至後取者佳

陳皮 半觔

枸杞

一觔

合一處黃酒洗入甌內蒸透晒乾再用酒浸透

蒸之如式九蒸九晒足為末煉白蜜為丸梧桐

子大每服一二錢空心白滾湯送下

肺癰單方

白菓元多壳菜肉內浸至久愈佳每壳回嚼五枚茶三服陰根

太乙膏三五錢水一茶鍾頓化通口服之則膏

入肺三二服即愈若為丸服則入腸胃矣故不

驗 醃芥菜滷貯壘內封固埋地內二十年為

佳十年者亦效每飲一小杯三二次立瘥 蒲

公英俗呼山芥菜取根磁器刮去粗皮石臼杵

爛絞汁用無灰酒或白酒漿冲服立效

肺癰應用方

加減八味丸

腎氣丸

俱見首卷

企液戊土丹

見脫疽



○小腸癰

小腸癰之發必先關元穴隱痛不已

穴在臍下三寸

初起發

熱惡風脉乳而數腹急腫痛大便墜小便濇久則腹脹下淋轉側有水聲者內癰成也

由飽食負重或醉飽入房或產難努力或暴急奔走致令氣血壅遏周旋失度凝滯而成如失治則流注關節變為敗症矣

初起小腹<sup>隱</sup>般痛儼似奔豚小便淋濇者薏苡仁湯加

大黃下之如已成腹痛脹滿不食小便淋者薏苡

仁湯主之如腹痛重按則止時時下膿者毒未解

也牡丹皮湯并太乙膏主之。如下後膿多者梅豆湯和之。如面白食少氣血虛也。加減地黃湯十全大補湯加丹皮五味子補之。

腸癰宜灸兩肘尖各百壯。艾如菘豆大則大便下膿血立愈。腸癰爲病不可驚驚則腸斷。凡坐臥轉

側俱宜徐緩飲食宜少宜軟爛大宜滋補固其元氣

脈則左寸洪數又云跌陽脈滑而數知當屎膿古

爲膿從臍出者不治惟大補之亦有效者

一人腸癰誤治腹脹如鼓脰其脈細數而有力視其腹臍下一塊光亮大熱腹內不時腸鳴知爲癰也

令備淨桶一箇入滾水半桶蓋之聽用隨以薏苡  
仁湯加酒大黃三錢徐徐服之待腹覺痛扶坐桶  
上臆下如湧其痛立減隨大補之而愈

一人誤作脹治致毒內攻腸痛連陰陰器腐爛色敗  
無膿水流臭穢燥熱口乾不治果歿

一婦腹如懷孕疼痛不止余用川芎當歸蒲黃炒吳  
茱萸炒五靈脂炒紅花水煎服下血塊斗許而愈

腸癰主治方

牡丹皮湯

治腸癰冷症腹濡而痛重按則止時時下膿者



牡丹皮 桃仁沉 薏苡仁 白芷

人參 黃耆 茯苓 當歸

川芎 白芍各一錢 官桂 甘草各五分

木香三分 水二鍾煎八分溫服

加味地黃湯

治腸癰潰後淋漓不已或精神減少飲食無味

自汗盜汗等症

熟地 山藥 山茱萸 白茯苓

丹皮 人參等分 黃耆倍之

用煨姜三片大膠棗二箇水二鍾煎一鍾空心服

小腸癆 函二堂藏板

梅豆湯 治腸癰下後膿多者

薏苡仁二合 黑豆百粒 烏梅一箇

水煎熟取湯一大鍾入阿膠一錢生蒲黃一錢再煎服

天丁散 治腸癰內癰已有膿者

皂角刺一兩 酒水煎服則膿下

薏苡仁湯見前內癰 十全大補湯

大腸癰

大腸癰之發必先天樞穴隱痛不已穴在臍右邊痛

甚脉則右寸洪數治與內癰及小腸癰同法

胃癰

胃癰之發必先中脘穴隱痛不已穴在臍上四寸令人咳吐

膿血寒熱如瘧由寒氣隔陽熱聚胃口所致以寒

氣逆於胃故胃脉沉細以陽氣不得上升故人迎緊盛

脉遲孔澁者瘀血也牡丹皮湯下之脉洪數者膿成

也赤豆薏仁湯排之膏梁之人初起者宜清胃

射干湯體倦氣喘作渴小便頻數者肺氣虛也

補中益氣湯加山茱萸山藥五味子麥門冬或兼

加減八味丸再夏月以生脉散代茶飲之是症

以壯氣助胃為主佐以前藥不可端攻其毒

### 胃癰主治方



丹皮湯

治胃癰腸癰腹腫痞堅按之即痛脉遲而緊者  
膿未成也宜此湯下之

丹皮

錢一

瓜婁仁

錢一

桃仁泥

錢二

朴硝

錢二

大黃

錢五

水二鍾煎一鍾去渣入硝再煎數滾不拘時服

赤豆苡仁湯

治胃癰脉洪數者膿已成也宜此排之

赤小豆

薏苡仁

炒

防已

甘草

等分

水二鍾煎八分食遠服

射干湯 治癰瘡腫痛脉洪實數者

射干 犀角 升麻 玄參

黃芩 麥冬 大黃各錢 枝子五分

加竹葉 芒硝為竹葉芒硝肺胃二經藥也

水煎服以利為度

應用方

補中益氣湯 生脉散

加減地黃丸

脾癰

脾癰之發必先章門穴隱痛不已穴在乳下右脇端與內癰腸癰同法

肝癰

肝癰之發必先期門穴隱痛不已

穴在直乳二肋間不容旁一寸五分

令人兩胛滿卧則驚不得小便由憤鬱氣逆所致  
初宜爪婁散或柴胡清肝湯調之潰後用六味丸  
八珍湯滋陰托裏此肝心火盛而虛中有熱也禁  
用溫補藥及針灸等法

柴胡清肝湯 治肝癰初起脇痛

柴胡

一錢五分

黃芩

一錢

人參

一錢

枝子

一錢五分

川芎

一錢

連翹

一錢

桔梗

一錢

甘草

五分

水二鍾煎八分食遠服



瓜蒌散

見內

六味地黃丸

八珍湯

見賞  
蕩門

心癰

心癰之發必先巨闕穴隱痛不已

穴在心窩下  
一寸實胃經之

也發則寒熱身痛面赤口乾飲水由酷飲嗜熱物

所致宜升麻葛根湯以清胃清心丸以退火

清心丸

黃連

一兩

茯苓

五錢

赤茯苓

五錢

為未煉蜜為丸梧子大每服百丸米飲送下

升麻葛根湯

腎癰

腎癰之發必先京門穴隱痛不已

穴在脇下季脇間實胆之募也發

則脇下至小腹滿由房勞過度外披寒邪所致惟

八味地黄丸相宜禁用寒涼等藥

八味地黄丸

見首卷

三焦癰

三焦癰之發必先丹田穴隱痛不已

穴在臍下二寸實膀胱之募也

治與小腸癰同法

疔瘡

夫疔者釘也如丁之釘也其形小其根深隨處而生

不拘穴次凡初起如疥形粉刺如小泡疔瘡疔痛  
發麻遊走不定寒熱惡心但其稍異於常者疔也  
書云見其小異則當大驚故宜虛心辨認隨其形  
色緩急用藥得法庶保無虞遲則走黃變異莫測  
俗云走馬看疔勢不容緩也是症多感於肅殺乖  
戾之氣或畜惡尸忤之變故有朝發夕死隨發隨  
死五七日不死一月半月而終死者此在歲運之  
順逆五臟虛實而然也再以

形色而言之如初起至四五日間由白色而至青紫  
色內無七惡等症者爲順初起似疔非疔灰色頂



陷如魚臍如蚤班青紫黑泡軟陷無膿至六七日  
間孔深臭穢無膿內見七惡等症者爲逆 若疔  
瘡出膿形如蜂窩者易愈再以

部位而言之生於頭項胸背者急生於手足骨節間  
者緩一疔之外別生一小瘡名曰應候如疔之四  
圍赤腫而不散漫者名曰護湯如疔之四旁多生  
小瘡者名曰滿天星有此者緩無此者急再以

禁忌而言之疔毒由蘊熱而生忌投辛熱之藥恐反  
助其邪忌敷寒涼之藥恐逼毒攻內又初起無頭  
及未潰時忌貼膏藥輕者聚毒成膿甚者毒必攻

內惟在已潰見膿時用之呼膿長肉以避風寒耳  
初潰時忌用生肌藥恐毒未除則反增潰爛再疔  
生於頭項之間肝膽腎三經部位再火日火疔俱  
不宜灸犯之必為倒陷或為走黃再飲食忌酒并  
雞魚海味冷水起居忌氣怒房勞諸香并孝服經  
婦僧道雞犬等見犯之必致反覆若一月內無房  
勞者則瘡口平坦無努肉為徵再以

用藥次第而言之如初起時寒熱拘急脉緊而數者  
為在表先服蟬酥九次用絳珠丹汗之如發熱口  
乾便閉脉沉而實者為在裏先服蟬酥九次服貴

金丸下之如無表裏症者邪在經也先服蟬酥丸  
次服無憂散清之如煩熱神昏乾嘔者邪氣內攻  
也菊花煎湯送蠟磬丸托之如手足冷六脉絕者  
由毒氣閉固元氣不能宣通也先服蟬酥丸隨服  
木香流氣飲宣之如神昏煩燥腫黯不痛者由敷  
涼藥所致也服蟬酥丸托之

能追毒出湊  
理而爲汗

疔毒悞

灸煩燥譫語者逼毒內攻也解毒清火湯疔毒走  
黃頭面發腫煩悶欲死者疔毒復生湯潰後餘毒  
未盡五心煩熱者人參清神湯針後出膿時氣虛  
驚悸者內托安神湯攻利太過以致發渴脉大而



虛者補中益氣湯汗後汗不止熱不退瘡不爽便  
不利者及汗下後口禁痰湧自汗搖捺者再有懼  
刺出血過多沿腫焮大不已者皆爲真氣虛也俱  
宜十全大補湯倍用參耆歸朮甚者加大附子余  
按此疽初不解毒後不大補欲其得生者鮮矣再  
外治而言之如疔毒有頭紅腫熱痛者用菊花根梗  
并葉杵爛敷之如漫腫無頭根活者及疔毒走黃  
別處結腫者俱用箇官錠子塗之如疔頑惡推之  
而根不動者必用挑法以斷其根否則必致走黃  
書云疔瘡先刺血內毒宜汗瀉禁灸不禁針怕絲

不怕鐵誠挑疔之密訣也再以

疔毒有名者而言之如

火焰疔發於心多生於唇

口手掌指節間初起紅黃小泡痒痛麻木繼則寒

熱頭暈心煩紫燕疔發於肝多生於手足肋脇

間初生紫泡破流血水三日後串臂潰筋繼則眼

紅甲青神昏舌強黃鼓疔發於脾多生於口角

顛顛眼胞等處初起黃泡光硬麻痒繼則寒熱乾

嘔吐逆白刃疔發於肺多生於手指鼻竅胸臆

等處初起白泡痒痛腐爛繼則咽焦氣急毛聳鼻

焮黑靨疔發於腎多生於耳竅腰腹軟處初起

黑班紫泡痛徹骨髓繼以軟陷驚悸目露指青在

五疔取形色部位而屬五臟也古書又有火疔如形

灸水疔形如氣疔起泡而軟石疔堅硬如石腐疔頂陷而潰魚臍

疔狀若魚臍菜莢疔中凹而邊突鹽膚疔大如匙面黑點起黍爛疔如大

匙面潰刀脈疔狀如薤葉形長寸許浮漚疔亦如薤葉形長而曲瓜脹

疔延漫無數芝蔴疔形以芝蔴品食蔴油蔴子疔似蔴子稍黑始未皆非三

十六疔形如黑豆日生一箇滿數者不治釘腦疔生大陽穴及眼邊魚尾

疔生小眼角外眉疔生於眉赤面疔生於額頰疔生頰骨尖處鼻

疔生鼻內其痛連腦黑疔生耳內腫痛連頭鬚疔生於鬚龍泉疔生於

人中虎鬚疔生於唇下反唇疔生於唇內鎖口疔生於嘴角牙疔生於

函三堂藏板



牙根猪疔 圓小瘡 牛疔 圓小瘡 羊疔 形長而白 狗疔 形長而赤

驢馬疔 三角形頂有黑點 蛇頭疔 生於指頂 蛇眼疔 生於甲旁 蛇背

疔 生於指背 蛇腹疔 生於指肚 蛇節疔 生於指節 冷疔 生於足根正考見足

部 此外又有

紅絲疔 生於手有紅絲入腋入腋者不治生於足

有紅絲入腹入腹者不治生於唇有紅絲入喉入

喉者不治宜於紅絲盡處刺斷搽齒宮錠子次於

原處挑之搽拔疔散內服蟬酥丸

暗疔 先發寒熱拘急腋下堅腫無頭或陰囊腫痛

翠丸突兀如筋頭者是也

丙疔 先發寒熱腹痛數日間忽然腫起一埋如積  
者是也二症不用挑法先以蟬酥丸噙化令盡涼  
水漱去毒涎再用三九嚼葱白三寸裹藥溫酒送  
下蓋卧出汗稍時無汗再飲酒催之或用霹靈火  
法佐之必令大汗次服緝珠丹和之或用貴金丸  
下之自愈若牙關緊急者取蟬酥丸三五粒葱頭  
研化灌之俟稍甦治如前法

羊毛疔 身發寒熱狀類傷寒但前心後心有紅點  
如蚤班者是也視其班黑色者爲老淡紅者爲嫩  
取深紅者用衣針於班上挑出羊毛前後心各挑

五七箇用黑豆蒼麥粉塗之卽時汗出而愈一

法用明雄黃二錢青布包扎蘸熱燒酒於前心擦之自外圈入內其毛卽奔後心再於後心擦之其羊毛俱拔出於布上埋之忌茶水一日

挑法密訣用竹簽於毒頂上十字剖開其毒堅硬如鐵者爲順先出紫黑血再挑至鮮血出以知痛爲止填拔疔散令滿以膏藥蓋之過三二時擦去舊藥易以新藥若藥乾無水不痛者此挑法未斷疔根也再深挑之必以上藥知痛藥濕水流爲率若初起失治以至走黃則身面漫腫原瘡無跡神昏



不食者險急尋原起處挑之如瘡口磁實出紫血  
或鮮血敷藥知微痛服藥見效者十中可保二  
三若瘡口絲軟刺之如瓜稍出淡血水而不知痛  
者百無一生矣此法有轉重就輕之功起死回生  
之效今人不識其症不知其治妄以王道自居反  
加訾毀嗟嗟誤人性命可勝計哉余痛惜此特剖而明之

### 疔瘡主治方

### 蟾酥丸

治疔瘡發背腦疽乳癰附骨髀腿等疽一切惡  
症反瘡不痛或麻木或嘔吐甚則昏憤此藥服

之不起發者即起發不痛者即痛痛甚者即止  
昏憤者即甦嘔吐者即解未成者即消已成者  
即潰真有回生之功乃惡症中至寶丹也

蟬酥 三錢 酒化 輕粉 五分 枯白礬 寒水石 煨

銅綠 膽礬 乳香 沒藥

射香 各一錢 雄黃 二錢 硃砂 三錢 蝸牛 二十箇

右為末秤準於端午日午時在淨室中先將蝸  
牛研爛再同蟬酥和研稠粘方入各藥共搗極  
勻丸如菉豆大每服三丸用葱白五寸患者自  
嚼爛吐於男左女右手心包藥在內用無灰熱

酒一茶鍾送下被蓋如人行五六里出汗為效

甚者再進一服修合時忌婦人雞犬等見

丙消散

爪婁

一箇

皂刺

一兩

金銀花

大黃

生姜

甘草

各五錢

白芷

二錢

用黃酒二碗煎八分服

解毒清火湯

治疔毒候灸遍毒內攻煩躁譫語者

玄參

桔梗

知母

石膏

升麻

棧子

麥冬

木通

大青葉

人中黃

各一錢

便秘加大黃

悶亂加燒人糞

丁瘡地丁  
少早休力  
要藥



外科大成 卷之三  
用淡竹葉燈心各二十根水煎服

疔毒復生湯

治疔毒走黃頭面發腫毒氣內攻煩悶欲死者

牛蒡子

牡蠣

皂角刺

金銀花

枝子

天花粉

木通

地骨皮

乳香

沒藥

姜蚕

大黃

等分

脈實便秘者加朴硝

用磨刀針鐵漿水一鍾黃酒一鍾煎一鍾服行

一二次卽甦又出汗卽生無汗卽死

人參清神湯

治疔毒潰後餘毒未盡五心煩燥精神恍惚睡

卧不寧者

人參

黃芪

白朮

當歸

茯苓

遠志

陳皮

麥冬

骨皮

各一錢

柴胡

黃連

各五分

糯米

撮一

用水二鍾煎八分食遠服

內托安神湯

治針後出膿時元氣虛弱睡卧驚悸不寧或毒未盡流入心竅致生健忘者

人參

黃芪

白朮

茯苓

麥冬

玄參

陳皮

各一錢

棗仁

研炒

五味子

石菖蒲

遠志

各五分

用水二鍾煎八分入硃砂三分和勻食遠服

### 拔疔散

治疔毒甚者挑後填此真有回生之功勿輕忽之

硃砂

硃砂

白礬

食鹽

二味各用鉄鏹

刀燒紅煨之等分

右為細末磁罐收之聽用須擇丁日午時製之

疔毒紅熱腫痛杵鮮菊花葉敷之其冷如水或坎宮

錠子塗之若漫腫不赤及走黃結腫者用離宮錠



子塗之

二錠見  
救治門

疥毒頭暈麻痒心煩者用野菊花根杵汁半碗白酒  
冲服或花葉根梗取四兩白酒煎送琥珀蠟礬丸  
三錢一用生藍葉酒煎服心煩作嘔者取生黃  
豆水浸磨漿每服碗許令吐之得吐則心涼

霹靂火助內疥出汗之法也

鷲卵石燒紅安鐵杓內杓安桶內以醋淬於石內  
令患者將患處覆桶上衣蓋勿令泄氣氣微再添  
紅石加醋淬之以腫處汗出爲度

疥毒應用方

立應緝珠丹

貴金丸

蠲毒無憂散

琥珀蠟礮丸

補中益氣湯

十全大補湯

离宮錠子

坎宮錠子

灸曲池穴

俱見首卷

木香流氣飲

見流注門

多骨疽

多骨疽

一名

刺骨

一名

朽骨由瘡瘍久潰氣血不能

榮於患處骨從瘡口而出也無論腮顴牙床腿膊

手足等處但腫痛日久不潰諸藥不應者卽此症

也細骨由毒氣結聚化成大骨由受胎時精血交

錯乃三陰經虧損之所致蓋腎主骨宜腎氣丸中  
全大補湯人參養榮湯先補脾腎次用艾附餅子  
灸之却散寒邪接補榮氣則腐骨自脫瘡口自斂  
次如骨已出腫仍不消者骨未出盡也仍內用大  
補外以神燈照之蠟餅灸之則朽骨自出出盡方  
愈再膿白而清稀者朽骨初脫肉深難取膿白而  
稠者朽骨將出肉淺可取取出之骨煨而存性加  
入生肌散內以還其原則收口甚速

應用方

腎氣丸

十全大補湯



人參養榮湯

艾附餅子

神燈炤法

黃蠟餅蒸法

蠟餅灸法

生肌散

俱見首卷

流注

流者行也

不由氣流而帶血注而聚不為之也此言非經

由氣血壯自無停息之机注者住也乃氣

血衰是有凝滯之患其形漫腫無頭皮色不變

論穴次隨處而生此症所受之因不同則先後之

治亦異矣如

腠理不密外邪客之者立應絳珠丹汗之房勞

為寒氣所襲者桂附八珍湯加大香溫之釀結

傷脾榮氣不從者歸脾湯加香附青皮散之

撲損傷瘀血凝滯者散血葛根湯逐之

不盡流注經絡者通經導滯湯導之

胸膈不利者方脉流氣飲調之

傷寒汗後餘邪未盡者人參敗毒散解之

解後尚有潮熱榮衛返魂湯加升麻葛根川芎紫蘇獨活如無潮熱者只

加獨活煎和之

右乃治初起將成之法也外俱緝珠膏貼之服藥

一服至三四服其中有可消者十中五六如服前

藥不得內消者法當大補氣血培助脾胃溫暖經

絡通行關節如木香流氣飲調中大成湯十全大  
補湯俱加熟附子香附培助根本則未成者自消  
已成者自潰已潰者自斂而終無殘敗破漏不斂  
之虞 且如腫處有膿宜急開之庶免內壞務使  
餘腫俱要出膿內熱方退慎用寒涼剋伐內消等  
藥及火針之法 起自缺盆流於天樞穴者爲氣  
毒流注有九箇者不治生於肩背堅硬如石者爲  
之痰注生腦後形似蜂窩者爲蜂窩流注流於兩  
肩者不治通用榮衛逐蠹湯千金指迷丸消之  
一切流注宜灸梁丘穴七壯



流注之症俗稱曰馬瘕如

走散流注曰瓜藤馬

瘕骨節內痛曰啣骨馬瘕

脊骨髀骨間三五枚

者曰過脊馬瘕

生於尾骶骨者曰殺着馬瘕

踝骨腫痛曰鎖脚馬瘕

骨交接處腫痛曰接骨

馬瘕 入股者不治

流注主治方

榮衛返魂湯 治一切初起流注

赤芍

木通

白芷

何首烏

枳殼

小茴香

烏藥

當歸

甘草

水一鍾酒一鍾煎八分服

初起堅硬如石者加川芎獨活麻黃葱頭汗之

胃寒生痰加半夏 鬱熱生痰加桔梗 補加附

子 瀉加大黃 食少加白豆寇 肺癰肚癰加

忍冬藤此乃內癰之神藥也 五香連翹等藥只

調陽而不和陰則氣耗血凝肌必不活內托十宣

等藥只和陰而不調陽則血旺氣衰疾必再作惟

此方救壞症活死肌弭患於未萌之前拔毒於既

愈之後扶胃本而不傷元氣惟在隨時加減之耳

桂附八珍湯

房慾後陰虛受寒致令腫塊或遍身腿脚疼痛

肉桂五分

大附子

人參

白朮

白茯苓

當歸

川芎

白芍炒

熟地各一錢

木香

甘草各三分

用生姜三片紅棗二箇水二鍾煎八分食遠服

### 散血葛根湯

跌撲損傷瘀血凝滯結成流注身發寒熱者

葛根

升麻

羌活

防風

川芎

半夏

桔梗各一錢

白芷

蘇葉

細辛

香附

紅花

甘草各八分



通經導滯湯  
葱頭三箇生薑三片水二中煎八分服

產後敗血流注經絡結成腫塊疼痛者

香附 枳殼 陳皮 紫蘇

川芎 當歸 赤芍 熟地

丹皮 紅花 牛膝各二錢 獨活五分

甘草節五分

水二鍾煎八分加酒二分食遠溫服

木香流氣飲

流注癰癤及鬱結為腫或氣血凝滯通身走注

作痛或心胸痞悶咽嗑不利腹脇膨脹嘔吐不  
食上氣喘急咳嗽痰盛或四肢面目浮腫者并效

川芎 當歸 紫蘇 桔梗

青皮 陳皮 烏藥 黃耆

枳實 茯苓 防風 半夏

白芍各一錢 甘草節 大腹皮 木香

檳榔 澤瀉 枳殼各五分 下部加牛膝

生姜三片紅棗二箇水煎服

調中大成湯

潰後膿水清稀飲食減少不能生肌收斂者

人參 錢二

黃耆

白朮

茯苓

歸身

白芍

丹皮

陳皮

山藥

錢各一

肉桂

分八

大附子

分八

遠志

藿香

砂仁

各五分

煨姜三片膠棗二箇水二鍾煎八分食遠溫服

### 先天大造丸

風寒濕毒襲於經絡初起皮色不變漫腫無頭  
或陰虛外寒侵入初起筋骨疼痛日久遂成腫  
痛潰後膿水清稀久而不愈漸成漏症者

紫河車

一具酒煮搗膏

熟地黃

四兩酒煮搗膏

人參



仙茅

浸去赤汁蒸熟去皮搗膏

何首烏

去皮用黑豆同煮搗膏

肉蓯蓉

去鱗并內膜酒浸搗膏

枸杞

白木

茯苓

歸身

牛膝

兔絲子

黃精

各二兩

巴戟肉

骨碎補

去毛微炒

破故紙炒

遠志

各一兩

廣木香

青鹽

各五錢

丁香

一錢

黑棗肉

二兩

右為末煉蜜為丸梧子大每服七十九丸空心溫

酒送下此丸能補一切氣血虛羸勞傷內損

及男婦久無嗣息者并有奇驗

千金指迷丸

治一切結痰

半夏

四兩姜製

白伏苓

二兩枳殼

二兩麥麩炒

風化硝

三錢

為末河水煮糊為丸

詳見症治粗評痰門

流注串毒初起單方

楊樹內虫或桑樹內虫絞汁大人用無灰酒小

兒用白酒漿沖服

琥珀膏

敷流注及瘀血頑痰結成腫塊者一次即消

錦紋大黃為末搗大蒜調敷即痛一二時無妨

至次日去藥發班或起泡挑破流水用月白珍

珠散擦之即乾或用西聖膏貼之以消餘腫

流注應用方

立應糾珠丹

見首卷

歸脾湯

見瘰癧門

紺珠膏

見首卷

五香流氣飲

見結核門

瘰癧

夫瘰癧者由五臟邪火濁氣瘀血痰滯各有所感而成非正病也且瘰者陽也色紅而高突或蒂小而下垂癢者陰也色白而漫腫而無痛痒之苦然症而各有五

筋瘤屬肝色紫而堅青筋盤曲如蚓治宜養血舒筋如清肝蘆薈丸  
血瘤屬心皮膚纏隱紅絲軟硬

瘰癧

三

函三堂藏



間雜治宜涼血抑火如芩連二母丸 肉瘤屬脾

色不變軟如懸不寬不緊治宜行痰開鬱理中如

順氣歸脾丸 氣瘤屬肺亦色不變軟如懸但其

隨喜怒而消長治宜清肺和榮如通氣散堅丸

骨瘤屬腎色黑皮緊高堆如石貼骨不移治宜補

腎行痰破堅利竅如調元腎氣丸

右五瘤俱宜復元通氣散兼以蠟礬丸甚捷

癭者筋骨呈露 血癭者赤脉交結 肉癭者皮

色不變 氣癭者隨喜怒而消長 石癭者堅硬

不移此五癭也 初起元氣實者海藻玉壺湯六軍

丸久而元氣虛者琥珀黑龍丹十全流氣飲選而服之自然縮小漸漸消磨若久而膿血崩潰滲漏不已者不治

癭瘰總訣

如初起者根脚浮淺而不堅實已成者

膿潰而腫消已潰者膿稠且根縮而皮緊潰後者

氣體平和飲食如故皆為順候若初起時則根散

而陰痛已成時則堅強而痰嗽已潰時則流血水

腫仍不消痛仍不止皆為逆候再潰後腫硬更增

敗腐不脫涎氣惡心者死再生於耳後

有頭痛症者不治

瘰者留也毋論大小不可妄取不可輕去不為無理

故忌用刀針多致危殆然亦有可刺者如粉瘤  
色如紅粉多生於耳項前後及下體者由痰氣凝  
結而成宜披針破去脂粉搗三品一條鎗數次以  
內膜淨自愈 黑砂瘤多生於臀腿腫突大小不  
一以手攝起內有黑色是也刺出黑砂有聲或黑  
粉軟硬不一搗藥如前 再以膠瘤虫瘤蛔瘤髮  
瘤隨處而生者悉難枚舉惟在認之的確刺搗同  
前如有四五枚者先刺一二枚覺有昏憤由泄氣  
之過也餘瘤停止服補中益氣湯數劑外以膏藥  
蓋之五七日患者健則漸漸破之補之若前云瘤



者不可去之則又膠柱矣

瘦瘤主治方

清肝蘆薈丸

治肝氣鬱結為瘤遇怒則痛

川芎

當歸

白芍

生地

各二兩

青皮

蘆薈

昆布

海粉

黃連

甘草節

牙皂

各五錢

右為末打神麩糊為丸梧子大每服八十九隨

病上下白滾湯送

卒連二母丸

治心火妄動逼血沸騰外受寒涼所致

黃芩

黃連

知母

貝母

川芎

當歸

白芍

生地

熟地

地骨皮

羚羊角

蒲黃

各等分

甘草

減半

右為末用側柏葉煎湯打寒食麩為丸梧子大  
每服七十九燈心湯送下或作煎劑用亦佳

順氣歸脾丸

治思鬱傷脾結為肉瘤

陳皮

貝母

香附

烏藥

當歸

白朮

茯神

黃耆

棗仁

遠志

人參

各一兩

甘草

炙

木香

各三錢

右為末用合歡樹根皮四兩煎湯煮老米糊為丸梧子大每服六十九食遠白滾水送下

通氣散堅丸 治憂鬱傷肺氣濁為癰

陳皮

半夏

茯苓

膽南星

貝母

人參

枳實

香附

石菖蒲

天花粉

川芎

當歸

桔梗

海藻

黃芩

炒等分

右為末用荷葉煎湯跌丸菟豆大每服一錢食

遠燈心生姜泡湯送下



調元腎氣丸

治房勞憂恐腎氣虛衰骨無榮養所致

生地

酒煮搗膏四兩

茯苓

山藥

山茱萸

丹皮

各二兩

麥冬

人參

當歸身

地骨皮

澤瀉

龍骨

各一兩

木香

砂仁

各三錢

黃柏

炒鹽

知母

童便炒各五錢

右為末用鹿角膠四兩老酒浸化加蜂蜜四兩

同煎滴水成珠和藥為丸梧子大每服八十九

空心溫酒下忌白蘿蔔燒酒房勞

海藻玉壺湯

治癭瘤初起腫硬未被者先斷厚味大暈次宜  
清心絕慾

海藻

昆布

陳皮

青皮

半夏

貝母

川芎

當歸

連翹

甘草節

獨活

各一錢

海帶

五分

水二鍾煎入分分上下服

活血散癭湯

癭瘤日久無痛痒者氣血弱也

川芎

白芍

當歸

熟地

陳皮

半夏

茯苓

人參

丹皮

各一錢

紅花

昆布

甘草節

癭瘤  
函三堂藏板

木香 各五分 青皮 各三分 肉桂 各三分

用水二鍾煎八分分上下服服後飲酒一小杯

六軍丸 治癭瘤已成未潰不論新久並效

蜈蚣 去頭足 蟬蜋 全蝎 姜蚕 炒去絲

夜明砂 川山甲 等分

右為末神麴糊為丸粟米大硃砂為衣每服三分食遠酒下忌大暈煎炒日漸可消

琥珀黑龍丹 治癭瘤不問新久但未穿破者宜服

琥珀 兩 血蝟 兩 京墨 五靈脂 炒

海帶 海藻 南星 姜炒各五錢 木香 三錢



射香錢一

各為細末研勻煉蜜為丸每丸重一錢金箔為衣晒乾密收每用一丸熱酒一杯隨病上下服化

十全流氣飲

治憂鬱傷肝思慮傷脾致脾氣不行逆於肉裏乃生氣瘦肉瘤皮色不變日久漸大者

陳皮 赤茯苓 烏藥 川芎

當歸 白芍各一錢 香附八分 青皮六分

甘草五分 木香二分

生姜三片紅棗二箇水煎隨症上下服

小斗大茂 卷之三 腰痛 函三堂藏板

消瘤神應散

山茨菇

海石

昆布

貝母

各等分

為末每服五錢白滾水調服旬日可消

灸瘦瘤法

○灸肘尖二七壯

一灸間使穴二七壯

○一諸

瘦灸肩顛穴男灸左十八壯右十七壯女灸左

十七壯右十八壯

一面生贅瘤以艾灸十壯

用硫黃醋磨塗紙上剪如灸瘡大貼之再以膏

蓋俟痒捻出膿汁如錄豆粉即愈

○一人面瘤

形如棋子先以衣針微刺瘤頂分許連刺三四

此法試過有效

針次以生姜切片貼瘤上貯艾於姜上灸七壯  
隨出清水此須卽消少半過一二日再灸三四次全消

消瘤二反膏 瘰癧癰癧結核通用

先用甘草煎濃膏筆蘸塗瘤四圍待乾再塗凡  
三二次以大戟芫花甘遂等分爲末以醋調另  
用筆蘸藥塗其中不得近着甘草處次日則縮  
小些又以甘草膏塗四圍比先小些中塗炤前  
自然漸漸縮小而消矣

縛瘤法 治瘰癧根蒂小者用之亦可札痔

桑白皮

刮細

芫花

倍之



入罐內醋煮一炷香取出槎線扎一夜即落次

用龍骨訶子細茶等分為末敷癩瘡口

### 枯瘤方

治初起未破者根蒂小者

予治一瘤生于腦後大如酒杯

白砒

礪砂

礪砂

輕粉

用蒜片艾灸之

雄黃

黃丹

乳香

沒藥

各一錢

再灸之壯連灸

田螺

大者去殼三枚剝乾切片

蟹毛

二十箇

腦以針挑

其為細末用糯米粥調和捏作小棋子樣晒乾

破出膿

聽用先灸瘤頂三壯以藥餅貼之次以水調黃

柏末敷蓋藥餅候十日外其瘤自然

枯落次用斂口藥

### 斂瘤方

治瘰癧枯落後用此搽貼自然生肌收口

血竭

輕粉

龍骨

象皮

海螵蛸

乳香 各一錢

雞蛋

十五箇煮熟用黃熬油一小鍾

調前藥末聽用先用甘草湯洗淨以雞翎蘸藥塗之膏藥蓋之每日早晚各敷洗一次

瘰癧應用方

復元通氣散

見耳門

三品一條鎗

見瘰癧門

蠟礬丸

見首卷

補中益氣湯

見首卷

結核

結核

生於皮裏膜外

如菓中之核堅而不痛由火氣熱鬱者

但令熱散其腫自消如連翹丸由濕痰流注者宜  
行氣化痰如五香流氣飲千金指迷丸服之而反  
甚者肝火血燥也潰而不愈者虛也俱宜補中益  
氣湯六味地黄丸以滋化源間用蘆薈丸以清用  
婦人多由鬱怒虧損肝脾或胎產失調所致如結於  
項側耳之前後胸脇部位寒熱腫痛者屬膽經風  
熱柴胡清肝湯加鈎藤倍用枝子 結於肉裏皮  
色不變日晡發熱者屬血虛肝火加味道遙散加  
膽草 結於肢節或鼻如貫珠者亦屬肝火由血  
燥筋攣所致八珍湯加柴胡枝子鈎藤再按六味



地黃丸佐之時發而時消者氣滯而痰結也宜歸脾湯六君子湯兼以海藻丸佐之經云形傷氣傷腫是以忌用行氣破血等藥以傷元氣

小兒項側結核如癭堅而不潰者三焦病也忌用苦藥以通大便宜柴胡通經湯如面黃肌瘦食少者無辜疳也用金蟬丸數服不消按之轉動軟而不痛者內有虫如粉急針出之否則虫隨氣化內蝕臟腑爲不治

### 結核主治方

海藻連翹湯 治諸般結核痰核瘰癧馬刀癭瘤

陳皮去白

半夏

茯苓

膽星

連翹

黃芩酒炒

黃連酒炒

柴胡

升麻

姜蚕炒

牛蒡子炒

三稜酒炒

莪朮酒炒

昆布

海藻

羌活

防風

川芎

桔梗

夏枯草

用生姜薄荷水煎食後服或加大黃

酒煮

皂刺

五香流氣飲

結核痰核及陰毒流注

金銀花二兩姜蚕

連翹

羌活

獨活

瓜婁仁

小茴各一兩五錢

藿香五錢

丁香二錢

木香

沉香

甘草各一錢

右分爲十劑水煎隨上下服如爲丸菘豆大雄黃五分爲衣滾水下

消核湯 治痰核

金銀花 天花粉 山藥 各一錢五分 蒲公英

夏枯草 海石粉 南蒼朮 前胡 各一錢

用水二鍾煎八分食遠服

結核在於乳者用南星貝母連翹甘草等分瓜蒌倍之

青皮升麻 減半 水煎加酒服

結核在於小腹下痛不可忍者由陽明濕熱傳入太

陽也必惡寒發熱宜枝子桃仁山查枳殼等分水



煎入姜汁服

柴胡通經湯

小兒項側結核

柴胡

黃芩

牛蒡子

連翹

三稜

歸尾

甘草

各三分

紅花

黃連

各少許

水煎熱服

二白散

敷痰核消腫

南星

貝母

等分

爲末鷄子清和米醋調敷

結核應用方

補中益氣湯

六味地黃丸

八珍湯

六君子湯

俱見首卷

柴胡清肝湯

加味逍遙散

歸脾湯

俱見瘰  
疔門

蘆薈丸

見疔  
瘰門

楊梅瘡

夫梅瘡言形也。黴瘡言濕也。時瘡言時氣乖變邪氣  
寒襲之也。綿花瘡言綿綿而難絕也。總由濕熱邪  
火之化而有精氣二者之殊。精化由慾染者重氣  
化由傳染者輕。精化者肝腎二經受毒其患先從  
下部見之。筋骨多疼小水淋瀝其形大而且硬氣  
化者脾肺二經受毒其患先從上部見之。皮膚作  
痒筋骨不疼其形小而且乾。精化者毒在骨髓未

透肌膚宜金蟬解毒丸下之以瀉骨髓之毒氣化  
者毒在皮膚未經入裏宜紺珠丹葱酒煎服洗浴  
汗之以解皮膚之邪壯實者服一劑散以解表裏  
之邪次服加味遺糧湯調理虛弱者服蟬酥丸三  
二服使邪毒透於肌表次用歸靈內托散如或悞  
用蕪藥火氣鬱遏難出致令頭脹骨疼紅點滿面  
者先用黃連解毒湯二劑以瀉其火次服蟬酥丸  
如前法調理服至筋骨不疼痞根淡白內毒已解  
方用點藥輕者百日重則半載方始全愈又男犯  
房勞女逢經至則服藥罔效欲其速愈者必內服



一劑散以敗其勢然須密室避風寒忌冷水犯之  
筋骨作疼食宜淡鹹則血凝難愈食鷲生風食牛  
生癰不可不慎之也如不遵此法妄用薰條擦藥  
哈吸等法而不成後患者鮮矣

### 楊梅主治方

透骨搜風散

羌獨活 骨牙之麻前為白芍藥之麻後為獨活子姜羌獨活桃  
筋骨疼痛未見形已見形悉効

透骨草

白花者 陰乾

羌活

獨活

紫葡萄

生芝蔴

白糖

六安茶

小黑豆

核桃肉

槐子

生姜

各一錢 五分

紅棗

三枚

用水三鍾煎一鍾露一宿空心熱服蓋臥出汗避

風三劑自愈

楊梅一劑散

元氣壯者服之一汗一卞其功甚捷

麻黃一兩

大黃七錢

葳靈仙八錢

金銀花

羌活

白芷

蟬蛻

皂角刺

川山甲

各五錢

防風

三錢

共一劑用山羊肉筋許河水煮熟取清湯二碗黃

酒一碗煎一碗令患者空心先將熱羊肉同酒淡

食之令飽隨服藥蓋臥出汗避風

加味遺糧湯

芎歸凡木石皆良藥也通威萎甘遠糧美子  
虛加入多病中起

治楊梅初起筋骨疼痛及已成數月延綿不已并

楊梅風毒候服輕粉癱瘓骨疼不能動履

川芎

當歸

防風

木瓜

薏苡仁

木通

金銀花

白蘚皮

葳靈仙

蒼朮

各一錢

甘草

五分

皂莢子

五個切片微炒

仙遺糧

二人兩

人參

瘡久氣虛者加

水二碗煎八分量病上

下煎服輕者一月可退深者百日可痊

忌牛

肉燒酒海腥煎炒

生下疔時預服此藥免其

不發梅瘡

歸靈內

托散

地芎為參朮粉良

薄薛皮

木瓜防己

半條

甘少土夜帶

治楊梅瘡不問新久但元氣弱者即宜服此



當歸 川芎 白芍 熟地

薏苡仁 人參 白朮 天花粉

白蘚皮 金銀花 木瓜 防已 各一錢

葳靈仙 六分 牛膝 下加五分 土茯苓 二兩 甘草 五分

用水三鍾煎二鍾作二次隨病上下服之其渣再

煎服 元氣虛者參歸倍之毒氣盛者金銀花倍

之倍加蒲公英 外以麥冬 五錢 薏苡仁 五錢 土

茯苓 一兩 煎湯常服以代茶

筋骨痛酒方

開陽花根皮 八錢 五加皮 歸身 各四兩

葳靈仙雨一玄參

牛膝各二甘草五錢

右各咀片入絹袋內用乾燒酒二十觔封入壇內重湯煮三香埋七日任飲葷腥過口

楊梅瘡薰洗方

蓮房 瓦松 川椒 蒜辨

陳艾 朴硝 槐枝 甘草

用水半桶煎百十滾傾入淨桶內令患者坐桶上以被圍之先薰後洗汗出為度

楊梅疹子薰洗方

茶豆二升水煮熟傾入淨桶內薰洗如前

楊梅發於陰囊肛門等處薰洗方

土城十餘塊打碎入淨桶內冲滾水半桶坐薰  
如前立時清爽三五次結痂而愈

婦人生於玉門腫痛者用燒煤土冲水坐洗  
前如

碧雲散

楊梅瘡已服藥至根脚不紅瘡勢已退者

石膏煨

輕粉各一兩

銅綠

膽礬各五錢

共為細末確收濕瘡乾搽乾瘡用公猪膽汁調點

一日一次三日自乾而愈

又方



杏仁 四十九粒去皮尖去油為粉 硃砂 二錢 輕粉 五錢

見茶 四錢 冰片 二分 射香 一分

共為末猪膽汁調搽 一方只用紅粉摻之

### 鵝黃散

梅毒潰爛成片膿穢多而疼甚者宜之

石膏 煨 輕粉 黃柏 炒等分

共為末乾摻即可生疤再爛再摻毒盡即愈此解

毒止痛收乾之要藥

### 瓊花膏

貼楊梅瘡并結毒筋骨疼痛及一切腰腿 疼痛諸毒惡瘡

開陽花根皮

一兩五錢

五加皮

歸身

各一兩

歲靈仙

一兩

防風

荆芥

玄參

天花粉

各一兩五錢

甘草

一兩

真麻油

三觔

浸煎如

法用各粉收膏退火毒七日任用攤貼

其煎膏火候見

首卷膏

藥門

梅瘡生肌散

腐淨時用此生肌

硃砂

四錢入銅杓內安火上蓋紅炭數塊多砂紫色為度

輕粉

二錢

冰片

二分

共為末篩些須於患上仍用前膏蓋之如有小孔

不收每藥

一錢

加象皮

一分用陳壁土炒

此方即上

頁之瓊

花膏

此方即上頁

一梅癩生

肌散

以上三方  
但重出

重出

開陽花根皮 一兩 五錢

五加皮

當歸 各二兩

防風

荆芥

天花粉

玄參 各二兩 五錢

歲靈仙

甘草 各一兩

真麻油 三觔

右藥浸煎如法占粉收膏退火毒七日攤用

煎膏火候見  
首卷膏藥門

紫砂生肌散

治梅瘡腐淨時用此生肌

重

硃砂

四錢入銅杓內安火上上蓋  
紅炭數塊灸硃砂紫色為度

輕粉

二錢

出

冰片

二分

右為細末每用些須摻於患處以

前瓊花膏蓋之

如瘡收至小孔而不收者每

藥末一錢加象皮

末一分用  
陳壁土炒



○ 護面散 初發時服表藥恐上攻頭臉服此則頭面

不出 自頂心髮或女人髮煨存性 明雄黃 各九

分和勻分三服一日服完每服用蒜油半酒鍾調

藥黃酒沖服服後服表毒藥

○ 護從丸 發瘡時令侍從人服之不致傳染

川椒 五錢 雄黃 五錢 杏仁 一百粒 去皮尖

共為末燒酒打飛羅麩糊為丸桐子大空心服十

餘丸白滾湯下

○ 救劫湯 楊梅瘡時誤用薰藥毒氣入肉以致吐血

不止及成爛肉者用生姜半觔取汁飲之即解

淨肌湯

楊梅愈後遍身發癩如癩痒不可忍者及

中粉毒

側柏葉

五錢

好醋一鍾煎五分服十六

服全愈或神應養真丹

如眉髮脫落者用側柏

葉酒浸九蒸九晒煉蜜丸桐子大每服三五十九

每日三服黃酒下百日愈

醒皮湯

洗鵝掌風并多年頑癬

防風

荆芥

金銀花

皂角刺

蛇床子

貫仲

芫花

白蘚皮

鶴虱草

苦參

各五分

用水十碗煎四碗去渣盪洗俟皮肉和軟用後方

搽之烘之

透骨丹 治前症用此烘之

青鹽

大黃

輕粉

見茶

膽礬

銅青

雄黃

枯礬

皂礬

各五分

杏仁

七個

射香

一分

冰片

五厘

共為細末用蘇合油調勻擦患處以炭火烘之以

透為度五七次愈

一方

水蠶子

草麻子

大楓子

輕粉

斑毛

為末姜醋調搽

白蘚皮湯

楊梅瘋癩及鵝掌風

白蘚皮

海風藤

各三兩

金銀花

白茯苓



肥皂子肉

苦參

各二兩

五加皮

漢防已

鴨腳花根

蠟腿

各一兩

猪牙皂角

皂角刺

薏苡仁

各一兩五錢

土茯苓

四兩

右分十劑水三鍾煎一鍾服每日空心食雄猪肉

三四兩忌發物

皂角皮丸

楊梅瘋癩及鵝掌風

皂角樹根皮

四兩

當歸

二兩

黃芪

一兩五錢

陳艾

一兩

人參

一兩

麻黃

三錢

共為末煉蜜為丸桐子大每服五七十丸

土茯苓湯下

楊梅應用方

楊梅

函三堂藏版

金蟬解毒丸

紺珠丹

見首卷

蟬酥丸

黃連解毒湯

見疔瘡門

神應養真丹

九股部

倒發梅毒

夫楊梅倒發者由初發時誤用水硯等劫藥之所致也。夫劫藥者如擦五心擦動脈及吸氣觀燈聞香薰被等法并服輕粉粉霜靈藥等丸如是等治至三四日內則悍燥之性上攻齒齦所以牙浮口臭腥穢難聞七日滿足即瘡痂盡落則僥倖而安矣孰不究輕粉粉霜靈藥硯硃等類名雖殊皆水硯之昇煉者也。

譬如麥而作種種麩食名雖殊皆麥之所造者也  
患者畏受此毒含藏於骨髓之中沉潛於關節之內  
久之逢虛則發發則筋骨疼痛隨處結腫次則破爛  
甚則損筋傷骨塌腦崩梁穿喉蝕目手足拘攣苦楚  
一生遺毒數代情關一錯禍起百端或有云再服再  
痊更不悟愈切愈重嗟嗟乎如是等治非關患者之  
不明實由醫者之所贈也若夫以王道之法治之必  
先審其受病之原觀其發病之所壯實者以解毒爲  
主虛弱者必兼補爲規一切諸症各有次第宜隨後  
方調理雖至重者百日自痊永無後患慎勿妄求速



効仍取自悞

倒發主治方

瓊花輔骨湯

治筋骨腫疼新久悉効

當歸

連翹

防風

歲靈仙

五加皮

白蘚皮

皂角刺

猪牙皂角

白欬

明天麻

牛膝

各一錢

白豆蔻 七分

開陽花

三分

木香

一分

共一劑用土茯苓

四兩

煎湯四碗取湯二碗煎藥

八分五更時照渣再煎臥時服一月可痊

忌發

物避風并房勞

綿子乳香湯。治風毒疼痛不可忍者

綿花子炒研取仁倍用 金銀花 何首烏 白蘚皮

薏苡仁 防風 荆芥 當歸

川芎 白芍 茯苓 檳榔

牛膝 木瓜 防已 乳香

沒藥俱減半 甘草少許 土茯苓量用

用水煎服三二服見効十餘劑霍然

陰陽二氣散 治結毒筋骨疼痛夜重晝輕喜熱手

搽捻者用出山黑皂一兩入杓內火化 皂入杏

硫黃些須于皂上用槐枝攪之俟硫烟盡又入硫  
些須攪炒如前以硫黃三兩完為率仍俟硫烟盡

其合成 灰每用 各灰 二錢

配乾姜 未二錢

和勻用黃酒一大

壺入大葱五七根煮葱爛取酒調藥服之再盡量

飲之蓋煖出汗一香盡粉毒隨汗出其痛即止如

未全愈過三日再一服除根避風寒

### 皂角樹皮湯

治結毒潰爛筋骨疼痛

皂角樹根皮

切片用炭灰同醋拌炒黃色每用一兩加

金銀花

葳靈仙

牛膝

稀荑草

木瓜

各三錢

防風

荆芥

連翹

白蘚皮

苦參

地骨皮

當歸

各二錢

用酒三碗水二碗煎三碗聽用

土茯苓 羊肉



各四兩 酒二碗煎七分露一宿兌前藥內每日空心

服一碗四日服完十劑全愈

### 加味五寶丹

治楊梅瘋毒筋骨疼痛破腦崩鼻蝕陽爛喉肺傷

口臭及癩癬鵝掌風身面出紅黑白班并小兒遺毒

真珠

豆腐煮三錢

琥珀

三錢

鍾乳石

煨為細末人乳浸飯上蒸過用

四錢

辰砂

為末飛二錢五分

冰片

加一錢

牛黃

二錢五分

二錢

海參

二錢五分

加射香

五分

舊琉璃

多年琉璃燈燒

存性為末用二錢

如補鼻祖長陽道前古方五味加胎元

製一具重

再古方五寶丹

生蟹脚

焙末七分

服如法

一每丹一兩配飛羅麩

五錢

如下部易真菘豆

粉五錢如中部則飛麩豆粉各用二錢每服三

分每日五服土茯苓湯調下

每日用土茯苓一觔隨症加飲煎湯五碗每服

一碗為率今人減用或只半觔故治症不驗

傷鼻加辛夷 三錢

咽喉腐爛加升麻 三錢

錢 桔梗 二錢

玉莖腐爛加直姜蚕 三錢 牙

皂 二錢

上部加白芷 一錢

胸腹加白芍

藥 一錢

下部加牛膝 一錢

四肢加羌活

金銀花蒲公英

各二錢

服前丹作嘔者生姜

五錢

取汁煮鯽魚食之以

助胃氣二便澁滯不通者用百草霜

二錢并

花水調服即解

製胎元法

乾胎元大者一具用粉甘草人參

各五錢

水三鍾煎鍾半塗抹胎元炙汁盡為度

次用砂罈一個入石膏末少半罈入胎元于

中再入石膏以滿罈為度封口用金粟火煨

一宿取出胎元如烏金紙色為佳白色者

不用

補鼻祖法

用油紙以甘草水煮過於好人鼻

小... 卷之三... 續壽... 函三...



子上印一塑子合患者鼻上外以膏藥蓋之

俟長完去紙用皮硝煎湯洗鼻三二次則見風不痛

通隘不二散

治結毒發於咽腐爛疼痛湯水難入者

硫黃一錢  
龍花一分  
一方龍花用五分

為細末用凉水一酒鍾調服即止外吹紫粉人中

白散或用紅粉塗之甚者內服前五寶丹即以

五寶丹吹之

結毒入巔頂致頭疼脹痛如破者

鵝不食草 川芎 各一兩  
青黛 一錢

為末令患者嚙水一口以蘆筒取藥吹左右鼻內

取嚏為効 內服天麻餅子 或用魚鱉蒜麻炒

為末每服三錢煎葱酒調服

瘡毒塞鼻不通者

葫蘆殼 燒灰 鍾乳石 膽礬 冰片 等分

為末吹入鼻內出黃水日吹三二次三二日即通

結毒破爛不收口者

硃砂 雄黃 硃砂 各三錢 水硃 一錢五分 先取黑凸

一錢溶化入水 紙于內如泥

共研勻用紅棗肉二十個搗和為餅分作十個每

日用一餅安小口罐內燒烟對患處薰之周圍遮

小斗大茂 卷之三 信壽方 函三堂藏版

蓋勿令泄氣三日三丸即愈

紫金膏

結毒潰爛頑硬膿水淋漓及頑腫等症

礬紅

松香 等分

為末香油調敷

先用蒼

木一兩

川椒 三錢

水煎薰洗畢敷藥蓋油紙

再以絹條札緊三日一換

紫靈藥

治結毒及咽喉唇鼻腐爛臭穢日甚者

水銀 一兩

硃砂

雄黃

硫黃 各三錢

共藥入罐內昇打如常火候

見首卷生肌門

腐爛諸症靈藥

五錢

輕粉 五錢

和勻摻用

咽爛者用靈藥

一錢

入中白 二分

研勻吹用



小兒遺毒 見第四卷  
小兒門

結毒應用方

二子解結湯 見疔瘡門

貝葉膏

紅粉 俱見首卷

石癰石疽

腫堅如石癰則微紅而疽則皮色不變从不作膿由

深寒客於經絡者宜服黃芪丸初宜艾灸三五十

壯若生於面頰者則不宜灸用麥飯石膏敷之

由脾氣鬱結榮氣不從所致者宜致和丸 服之从服全消

黃芪丸 治因寒氣客於經絡者

小兒遺毒 卷之三 疔瘡 函二堂藏板

黃芪兩 炙二 大附子去皮臍姜汁浸透切片火煨

兔絲子酒浸 大茴香炒各一兩

共為末酒打糊為丸每服一錢每日二服空心食

前黃酒送下

致和丸 治因苑結不舒所致者

白朮二觔 陳皮一觔

共為末用大棗二觔生姜半觔煮半日去姜取棗

肉合原汁為丸菘豆大或桐子大每服一二錢早

晚各一服米湯下或酒下

麥飯石膏 治癰疽惡毒消腫生肌

麥飯石

二兩煨醋

鹿角

四兩泥固煨黃色

白欵

一兩

為末用陳米醋調如稀糊水燂起魚眼泡取

起金腫處

痼發

痼發多生手足腰腿伸縮之處其形漫腫其色淡紅

增寒發熱由天時外感所致初起者紺珠丹汗之

已成者托裏消毒散托之已潰者如潰瘍補之

紺珠丹

托裏消毒散

俱見首卷

癰疽

癰疽一名蛇瘡初出紅點次變黑色小者如黍如豆

大者如梅如李腫痛應心腐筋爛骨膿如小豆汁



今日去明日復滿愈而復發為異耳此川廣烟瘴  
地面有之初起蟬酥餅貼之膏藥蓋之寒熱者蟬  
酥允汗之紅腫遊走離宮錠子塗之潰後食少乾  
嘔者補中益氣湯加黃連麥冬補之補而不應出  
清水穢汁者不治南人呼為榻着毒喜着十指治  
與脫疽同法或灸百壯肉飲藍青汁等以去其熱  
紅絲遊走者於盡處灸三壯自愈或用蠟琴丸加  
射冷酒下多服取瘡

消瘡膏 治療疽瘰疽

鯽魚 一尾 血餘 雞子大 豬汁油 一觔

煎枯去渣加黃蠟一兩溶化成膏塗之

蟬酥餅

蟬酥丸俱見  
疔門

商宮錠子

補中益氣湯俱見  
首卷

朮音休

朮一名枯筋箭手太陽虛則生朮薛又為朮屬肝膽

少陽經風熱血燥或肝客淫氣所致蓋肝熱水涸

腎氣不榮故精亡而筋攣也宜地黃丸滋腎水生

肝血為善若用蛛絲纏螳螂蝕艾著灸輕者可愈

重者必多致悞此症與結核相同有大如黃豆小

若黍米拔之如絲者有觸碎如斷束縷扯之則長

朮

縱之則縮後兩鬢發白點者有初如赤椹用雜敷藥翻張如菌又用腐蝕焮大如瘤者有腹內一塊攻擊作痛疑為血驚治之後手背結一塊長寸許形如驚再又肢節如豆大者甚多泥驚生子發於外者有肛門周生小顆如鼠奶大小不一者有婦人患此月經不行者種種異類惟六味地黃丸補中益氣湯逍遙散歸脾湯等藥益養榮氣久之愈

六味地黃丸

補中益氣湯 俱見首卷

逍遙散

歸脾湯 俱見癰門

外科大成卷之三 終